



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCCX. ad annum MLXXIII.

**Parisiis, 1644**

Privilegivm Monasterio Sanctae Felicitatis Concessvm A Nicolao Papa II.

**urn:nbn:de:hbz:466:1-15625**

## PRIVILEGIUM

MONASTERIO SANCTÆ FELICITATIS  
CONCESSVM A NICOLAO PAPA II.

*Nicolaus episcopus seruus seruorum Dei Tebergæ abbatissæ monasterii sanctæ Felicitatis, iuxta Florentiam siti, sibiique successoris, & in sancto proposito permanensuris in perpetuum.*

**Q**VONIAM omnipotentis dignatio suo gratuito munere, nullo digno præcedente opere, ad hoc nostram humilitatem dignata est prouehere, quatenus per nos vbiique terrarum proprio sanguine redemptæ ecclesiæ lumen administraret indeficiens; profecto rationabile ducimus, cooperante ipso, de quo loqui præsumimus, secundum proprias vires vnicuique acceptum talentum distribuere, ne, apparente ipsius maiestate, quod absit, sine acquisito lucro velut inutilis seruus videamur remeare. Quod vtique per diuinam misericordiam consequi posse speramus, si membris eius adhuc per fidem in terra cælestia anhelantibus, præsidia quæ possumus sereno affectu suppeditare curamus. Sic enim, sic profecto & supernum nostræ fragilitati conciliamus auxilium, & pura intra cordis hospitium manente intentione, hominum consequimur fauorem honestum. Cum licet vniuersis debitores simus gentibus, fidei lumine clarentibus; domesticis quoque nostris benevolentia studio singularem curam impendimus, Magistrum gentium sequentes, qui bonum opus adimpleri præcepit in omnes, ad domesticos fidei maxime. Monasterium itaque sanctæ Felicitatis cum omnibus sibi pertinentibus rebus, quod nostra episcopalis simplex adhuc dispensatio quorumdam prædecessorum nostrorum negligentia destructum, coaptato nobilium sanctimonialium plurimarum collegio, reædificare curauit ex integro; nunc etiam secundum apostolicæ sedis, cui deseruimus, valentiam, per nostras manus dedicatum, stabilitate perseveranti roboramus, & confirmamus, atque ut perpetua vigeat religione, sequestrata prauorum infestatione, omnipotentis Dei committimus tutelæ.

telæ. Cui etiam, sicut dignum nobis videtur, quia incuria Florentinorum episcoporum sua prædia nequiter sunt distracta, & sacrilegorum quorumdam temeritate inuasa, concedimus, & apostolica au&toritate stabilimus mansos, & fundos venerabili loco pia deuotione oblatos, & offrendos, vbi cumque veraci relatione eius nomini fuerint titulati, suoque iuri religiosa sollicitudine inuestiti, atque inuestiendi.

Liberum præterea idem reddimus monasterium, atque absolutum ab omni sæculari & mundana conditione, siue distinctione, ne liceat alicui magnæ paruæque personæ a nobis restituta prædia, firmiterque stabilita, decimales, prouentus scilicet, quoque quosdam a nobis concessos aliquo ingenio euadere, aut aliqua fraude surripere, siue diminuere, fiscum denique, seu debitam subiectionem exigere: sed maneat venerabilis locus nostra tutela firmatus in sancto proposito; nullique alii sit obnoxius, nisi Florentino episcopo, qui memor nostræ deuotionis, suæque fragilitatis, iustitiae norma seruata, secundum Doctoris gentium præceptum, eisdem sanctorialibus honorem congruum exhibendo, nil præter blandum dominium requirat ex debito. Si autem, quod non credimus, aliquis temerarius hanc apostolicam sanctionem crudeli mente tentauerit infringere, nostramque institutionem secundum locum lèdendo cassare, nisi admonitus resipuerit, ac digne emendauerit, anathematis gladio percutiatur ab omnipotenti diuinitate, iaculata sibi de cælo vltione in hac præfenti carne, interficiatque eum Deus Spiritu oris sui, dum venerit iudicare sæculum. Qui vero nostræ roborationis pius conseruator extiterit, in secundo aduentu mereatur illam mellifluam vocem audire: *Venite Benedicti Patris mei,* Matt. 25. *percipite regnum.* Præterea ut hæc pagina fidem legentibus astruat, & propriæ manus subscriptione & apostolici sigilli munire studuimus impressione.

† Sigillum Nicolai papæ.

Ego Bonifacius Albanensis episcopus subscripsi.

Ego Ioannes Portuensis episcopus subscripsi.

Ego Petrus Lauicanensis episcopus subscripsi.

Ego Brunus Prænestinus episcopus subscripsi.

Ego Petrus peccator monachus subscripsi.

*Concil. Tom. 25.*

Eccc

Datum Florentiae sexto Idus Ianuarii, anno ab incarnatione Domini nostri Iesu Christi 1059. per manus Humberti sanctæ ecclesiæ Silvæ candidæ episcopi, & apostolicæ sedis bibliothecarii, anno primo pontificatus domini papæ Nicolai II. indictione decimatertia.

EPISTOLA V.  
NICOLAI PAPÆ II.  
AD EDVVARDVM ANGLORVM REGEM.  
De confirmatione priuilegiorum ecclesiæ Vestmonasteriensis, quam in honorem sancti Petri apostoli rex fundauerat.

*Extat infra in Conuentu Vestmonasterensi anno 1066.*

CONCILIVM SVTRINVM,  
ANNO CHRISTI  
1059.  
QVO BENEDICTVS PSEVDOPAPA ET  
schismaticus, cognomento Mincius, depositus, omni-  
que sacerdotali officio priuatus est, anno M LIX. tem-  
pore Nicolai papæ II. electi.

NOTA.

[Concilium.] In hac Synodo inuasorem sedis apostolicae Benedictum depositum, omniq; sacerdotali munere priuatum esse, & postea veniam a pontifice petuisse, habetur, inquit Baronius in codice Vaticano, qui inscribitur *Liber censuum*. Idem testatur vetera Romanorum pontificum gesta, quæ collegit Nicolaus Aragonensis cardinalis his verbis: *Celebrata itaque in pace electione (ut dictum est) Senis dictus Nicolaus pontifex cum archidiacono & cardinalibus consilium habuit, ut pro causa iam dicti Velitrensis intrusi apud Sutrium Synodum celebraret: ad quam non solum episcopos Tuscia & Lombardia, sed & magnum Godefridum, & Guibertum cancellarium conuocare deberet. Quod absque dilatione factum est. Pradicatus autem Mincius ubi Nicolaum papam cum personis, quæ apud Sutrium conuenerant, in Synodo residere cognouit, sedem quam inuaserat, conscientia remordente, reliquit, & in domum propriam remeauit. Quod factum posteaquam Nicolaus pontifex rei veritate cognouit, consilio cum fratribus habitu, ad Verbum una cum eis, non cum potentia, sed tamquam bonus & humilis pastor accessit. Unde, auctore Domino factum est, quod cum a populo & clero digno honore suscepimus, iuxta consuetum ordinem a cardinalibus in sede apostolica positus est. Transactis autem paucis diebus, memoratus Mincius ad pra-*